


CIMELIA

0


1488






1488

CIMELIA





AD ARCHIE-
PISCOPOS. EPISCOPOS
ET PRESBYTEROS EC-

clesiarum Sarmaticarum ANDREÆ
FRICI Modreuij ORATIO
Tercia de pœna homicidij.

Cracouię apud Hieronymum
Victorem, Anno, M. D. XLV.

THOMÆ SOBOTIO. RE-
GNI POLONIAE CANCELLA-
rio, Burgrauio Cracouiensi, Tribuno
Lanciciensi, & Capitaneo Rauē-
si, viro Nobili & Magnifi-
co, Andreas Fricius
.S.D:

NON possum adhuc, uir clarissima finem facere
de lege diuina in homicidas scribendi. Non quod
putem me magnum nostra scriptione operæ prætium fa-
cere posse in ea Rep. ubi nostra hæc studia a nonnullis
ridentur, ab alijs uituperentur, a paucis certe benignè ac-
cipiuntur: Sed quod tempus ac otium nostrum in ijs me-
ditandis libentissimè consumimus, quæ ad Remp. & re-
ligionē cōseruandā quoquomodo pertinere uideantur.
Quo te etiam studio ac uoluntate esse cum multorum fa-
miliarium tuorum sermonibus cognoui. tum ipse ex col-
loquijs mutuis nostris penitus perspexi. Sed tua tamen
studia longe & multum studijs nostris ad splendorem &
utilitatem antecellunt. Etenim Quicquid nos ingeniolo
ac opera consequimur nostra, id omne in contemplando
ac scribendo continetur. Tu autem qui in maxima cele-
britate & tanquā in clarissima luce uersaris, studia &
curas tuas ad negotia & salutem Reip. conuertis. Cuius
quidem rei efficiendæ amplissimam occasiōem nactus es,
cum tibi nuper, Cancellarij munus traditum ac mandatū
esset: qui pro tua doctrina, uirtute, & in omni officio ad-
A ij ministrandæ

Cum 1688

1961 K 392

ministrando sedulitate, alijs in rebus perspecta, nihil
sis eorū pratermissurus. quæ ad Reip. salutem & digni-
tatem pertinebunt. Etenim si quis recte reputet, amplissi-
ma est tanquam materies cancellario subiecta, quā tra-
cet, in qua uirtutem exerceat, ac de Rep. uniuersa mere-
atur. Itaq; & Reip. custos, & priuatarum cuiusq; rerū
administer, & principis sui cor non immerito existima-
tur. Quod tu cum olim probè scires, ita semper & in
studijs literarum: quod ex tuo sermone facile apparet: et
in aula regis uersatus es, ut & multis muneribus fun-
gendis, & legationibus amplissimis obeundis, & summo
Cancellarij officio exequendo dignus putare. Atque
utinā quā plurimos haberemus in hac Rep. similibus stu-
dijs incēsos. Profecto nō dubitarem nō modo hanc impiā
uite humana nundinationem: sed etiam reliquam, si quæ
extaret, barbariem, ex nostra Rep. breui tempore expul-
sum iri. Mitto igitur tibi tertiam orationē de pœna ho-
micidij nostram: non quidem adhuc perfectam neq; satis
expolitam. Eam ita scripsi, ut si ad Episcopos & præs-
byteros Sarmaticos haberetur: ut quoniam primam o-
rationem inscripsi Regi. Secundam ita scripsi quasi ad
Senatum & ordines regni habita fuisset. Hæc tertia sit
ad ordinem ecclesiasticū. Hanc mi patrone pro tua in me
beneuolentia & in literas summo studio tuo, uelini legas
eo animo, quo ceteras nugas nostras legere consueuisti.
Quod si quid tibi uel addendum uel mutandum uideatur,
de eo si me admonueris, rem facies summa humanitate
tua dignam, mihiq; non minus gratam quā necessariā.
Sunt qui putent his inscriptionibus, me aliquem facere
quæstum

quæstum. Alij tantum in hoc me chartas polluere aiunt,
ut his principi subiectis occasionem habeam de iniurijs
aduersarij mei querendi. Verum ego non alium uellem
laboris mei ampliorem quæstum quā si lex diuina in
Rēp. Christianā reciperetur. Etenim de aduersario despe-
rare iā cogor, quādo opes eius & gratia maior est, quā
ut ab homine tenui, quāuis ius omne obtinenti, uinci pos-
sit, præsertim cum iudici causam non libeat cognoscere
nostram. Quem ego quoties de hoc iudicio appellauis
quoties supplicibus uerbis orauis, non ut gratia aliquem
mihi apud se (quod iuste negare posset) relinqueret lo-
cum: sed ut uel summo iure aduersus me ueretur: quo-
ties professus sum me in beneficij loco positurum esse,
etiam si res à me abiudicaretur. Tantum ut ne eā aduer-
sarius sua libidine sed iudicis sententia possideret. Neq;
deerant uiri graues & gratiosi, qui pro me supplica-
rent. Sed frustra omnia & infructuose petita sunt. Quid
igitur deinceps à tali iudice mihi petendum esset quā
ut ignoscat, quòd de eo aliquando bene speraui. Sed hæc
fortasse nō sunt huius tēporis, nisi quòd hæc apud te tace-
re nō potui, quā earū rerū conscius mihi fueris. Quod ue-
rò munerum causa aliquibus scribere putamur, uanius est
quā ut refelli debeat. Omnino maximis me muneri-
bus affectum putabo, si quando diem illum uidere conti-
gerit, cum Deo nostro cū lege sua suus honos datus fu-
erit in hac Repub. Sed & hæc hæcenus. ad rem redeo.
Commendaui tibi olim orationes nostras, sed tū ut uiro
nobilissimo & homini gratiosissimo commendaui, ut tua

authoritate alijs essent cōmendatiores. Nunc Cancellario
regni cōmendo, nō ut iam eas tantū ab obrectatoribus,
quod ad huc humanissime fecisti, defendas: sed ut legis
quam tueor suadende, & numatiōis profligandæ onus,
ut cū officio Cācellarij, publicæ tibi impositū intelligas:
scit te pro tua singulari prudētia intelligere certō scio.
Res magna est & periculi plenissima, tot capitū hydrā
superare ac conficere. sed meministi in rebus arduis uir-
tutem uersari: ad eamq; non nisi labore, sudore, & sum-
ma uirium contentione perueniri. Neq; illud ignoras, id
quod & mihi est compertissimū, multos esse in hac Rep.
uiros principes, quibus persuasum est hanc homicidis po-
tē amni iure, deberi, quā nos suademus. Qui si uirtutē
illam ad ardua tendentem, si grauitatem et constantiam
in dicendo & tuendo id quod sentiunt adhiberent: sū-
cūdia pro ueritate sibi perspecta perferre uellēt, non e-
dem dubitare quin legē diuinā apud nos iā locus debitus
esset. Sed uarijs in contrariā partē distrahuntur studijs.
Quorum alij uulgo equitū cedes molientū, placere, alij
cūdia per ditorū hominū fugere uolunt, alij alia sequuntur
studia. Vtinam uerō animos eorū Deus ab hisce studijs
præposteris ad uirtutē & ueritatē sibi perspectā colendā
ac defendendā conuertat. Te quidē ipsum ad eam rem et
honor ipse quo auctus es amplissimus, & rationes uite
tue in præclaris disciplinis à purro uersatæ non leuiter
cohortatur. Præclare hoc à sapiētibus dicitur. Magistra
tua uirū ostendit, neq; illud uel mediocriter literatis igno-
tur.

ratur, literis hominē ad uirtutē colendā ac tuendam ad-
iuuari. Itaq; duos habes acerrimos admonitores, qui te
dies noctesq; ad uirtutē & ueritatē diuinā adhortentur.
Cui quidem ueritati defendendæ immorī pulchrū & be-
atum est, ab ea deficere, turpe & exitiosum. Sed tu nō
eges admonitione nostra. Hæc autē scripsi non inflam-
mādi tui: sed uoluntatis ac studij erga te mei testificandi cau-
sa. Deum præcor opt. max. ut & tibi hunc hono-
rem fortunet, & tu in eo de Rep. quā optime
mereri possis, Vale .xij. kal. iul. Anno
Christi .M. LXV. Brezuijs.

AD ARCHIEPISCOPOS EPISCOPOS.

& presbyteros Ecclesiarum Sarmaticarum,
ANDREAE Fricij Modreuij Oratio
ratio tertia de poena homicidij.

S Tsi vereor, Antistites & presbyteri factorū, ac interpretes religionum sanctissimi, ne quem offendat hoc nostrum toties repetitum, de lege diuina in homicidas, dicendi studium: Tamen humanitas & prudentia vestra, hoc amplissimo ordine vestro digna, munificē reficit & recreat me sperantem fore, vt hoc officium meum pietas, quam filius patrie debeo, assignetis. Hoc enim statuo pietatis officium esse summum, dare in id operam, vt Reip. Christiane lex diuina restitatur. Ea inquam, lex, cuius obseruatione salus reip. & religionis dignitas possit maxime contineri. Sic etiam iudico neque mihi licere neque esse integrū, vt me ab ea causa subtraham, quam semel suscepi tuendam. Laudantur enim ab omnibus qui in re honesta non defatigantur: contra qui oneri cedant, vituperantur, pro inertibus ac desertoribus habentur

habentur: Cum quidem illud in more positū sit, vt nemo ad eam causam libere animum adiungat, quam ab alio videat quasi occupatam: Tamen per me quidē unicuique liceret, in re tanti momenti vires exerere, ac patrie periclitanti lumen ostendere animi & consilij sui, Neque tamen ignoro quosdā esse, qui paruitate nostra offendantur, quod homo nec ingenio, nec eloquentia, nec dignitate excelens, argumentum hoc iustis orationibus primus in hac Rep. tractare sim ausus: qui etiā, si dijs placet, putant homini privato hanc tractationem minime licere. Sed quoniam difficile est omnium voluntati satisfacere, vt vel dicendo offensionem vel tacendo reprehensionem omnium vitare possim: queso liceat mihi per vos in hoc quasi campo adhuc excurrere: quē ego ab hinc ferē triennium nescio quo impulsu ingressus sum. Etsi enim nihil habeo vel solide eruditionis vel eloquentie: quę res due iure suo assererent me ab iniuria contēptionis: Tamen religionis quadam pietate obstrictū me esse Reip. puto, vt ei adhuc hoc officium pro mea parte, cessantibus alijs, prestem. Quid quod res ipsa, quam tracto, eiusmodi est, vt mihi beneuolentiā omnium esset conciliatura: nam est & fauorabilis sponte sua, & de earū numero quę in sermōibus omnium versentur.

Av Queso

Quæso igitur, ut cum rebus magnis superse-
deam, hæc mihi cum bona omnium gratia tra-
tractare liceat, quæ protrita sunt, & amplissi-
mum dicendi campum unicuique suppeditare
possunt. Et quoniam in Senatu orationi no-
stre, qua omni iure humano & diuino fulta,
per Christi sanguinem, perque sacra omnia vti-
sumus, nullus erat locus: ad vos patres atque
ad hoc collegium amplissimum vestrum confu-
gendum esse duxi. Quem enim in re tanta ap-
pellam alium, quem implorem, præter vos in
hac Rep. habeo neminem. Versata est olim
Aстреa, quam eandem Iustitiam interpretari
licet, inter homines in terris, quemadmodum
est in fabulis, præceptaque tradebat morum ad
vitam honeste degendam necessaria, sed spreta
ab hominibus, terras deseruit, ad cælumque as-
cendit. Itaque putate iustitiam ab hominibus de-
sertam, nunc ad vos venire, tanquam ad quoddam
suum cælum, ad vos res cœlestes tractantes
confugere, à vobis petere, ne se velitis esse de-
sertam. Nam quod magis Iustitiam decet quam
hominum vitas tueri? Quid autem hominibus cœ-
lestibus magis convenit quam huius animarum
vitam quam tutissimam reddere, cuius cau-
sa & cælum conditum sit, & hæc rerum cum
cœtarum moles uniuersa? Neque vero putate pa-
tres causam hanc rationibus muneris vestri
aduer

aduersari obesseque, aut macula sanguinis vos
ex hac dicenda sententia aspersum iri. Quinimo
proprium hoc ordinis vestri esse putate de iu-
re diuino, cuius interpretes estis & doctores,
verissime & fortissime respondere. Etenim ut
vobis sedere in tribunali contra homicidas non
liceat: licet tamen certe & in cōcione et in Se-
nato de ea poena pronunciare, quæ diuinitus
homicidis sancita est. Christus ipse neminem
vnuquam capitis condemnauit, & tamen idem ex
lege diuina pronūciat, eum qui gladium vsum
pet, gladio perire debere. Nos vero non posu-
imus à vobis, ut sedeatis iudices in homici-
das: sed ut quæ de supplicio illis debito, lex di-
uina decreuit, ea vestris suffragiis cōprobetis.
Vestrum est munus, vestre partes, eas leges
tueri & confirmare, quæ ab illo Deo pfecte
sunt, cuius vices in terris vos mortalium omnium
maxime geritis. Quæso igitur ut me attente
audiat de re diuinitus tradita orantem: atque
exquisitum iudicium doctrine vestre adhibeat
tis ad nostram orationem: cuius vos non auditores
tantum, sed iudices esse cupio: à vobisque sen-
tentiam ferri tandem qua decernatis, an lex Dei
immortalis in Rempublicam Christianam recipienda
sit, an vero prorsus ex ea reijcienda: quid enim
tertium restat? Nam cui per Deum immor-
talem stomachum non faciant frigidi illi aus-
ditores

ditores, qui vel non attente audiant quę proponuntur, vel si audiant, Tamen nec approbare, nec reprobare aut sciant aut velint; multo verò magis isti, q̃ temeritati suę plus velint loci, esse in Rep. quā ulli rationi; neq; aliud crepent quā tyrannicū illud ex tragedia.

Hoc volo, sic iubeo, sit pro ratione voluntas. Neq; verò cōmittam patres vt vos detineam longa oratione. Summas argumentorū proponam, ac quasi epilogum addam eorū quidē quę prioribus orationibus tractaui. Deinde quantum scelus sit in hac legis diuinę conculcatione ostendam. Postremo remediū indicabo, quod quasi cauterium per vos huic morbo applicandum putem. **HOC** igitur initium ac fundamentū pœnę in homicidas capitalis cōstituendę esto, iussū & decretū Dei immortalis, quo ille edixit eius sanguinē effundi debere, qui hominis sanguinem effuderet; neq; accipiendum precium ab eo qui sanguinis sit reus, sed statim eū quoq; mori oportere: Et Christus multorum seculorum intervallo in eandem sententiam eum gladio perire necesse esse, qui gladio vtatur. Si nihil aliud nisi de iure ac lege diuina dicendum fuit, nihil dico amplius patres, causa dicta est. Quid enim ad persuadendum firmitus debet esse homini Christiano, quā decretū & volū-

tas

tas summi Dei: Quis deo resistere, quis legē eius abrogare ausit; Qui Senatus, qnī populi, qui tribuni, qui procures, qui equites sunt tanti, vt eorum auctoritas preferenda sit auctoritati diuinę? Huic decreto & rerum natura subscripsit, & populi gentium cōpium exterarum. Cur igitur sola natio nostra contradicit? Quod verò precium esse dignum potest hominis vitę persoluendę? Cur pluris res furtim ablatę estimandę sunt quā hominum vitę? Si equi iacturam non aliter sarcimus quā vita furi eripienda, cur vitā hominis pecunia redimi patimur? Dura mehercule hęc est hominū conditio in hac Rep. vbi iumēta pluris fiunt hōinibus, Atqui illa condita sunt nostra causa: nec suę domi habitant sed nostrę: nec fructibus vtuntur terre nisi ut nobis vsui esse possint. Quēadmodū a Davide de dei beneficijs preclare scriptū est hisce verbis, Qui producit iumentis fœnum & herbam seruituti hominum. Volumus nē seruos & mancipia multo præstantiore conditione esse domi alieng, quā ipsos heredes suę: nobis verò non tantū iumenta, sed res quamlibet leues, modò decem numis grossis constent, chariores sunt quā hominū vitę. O leges preclaras, Furi laqueo vitā abrumo pito; homicide scelus suum pecunia luere fas esto,

esto. Quis cacodemon author legis huius & consuator fuisse putandus est? putatis ne hunc hominum amicum fuisse? Quae pestis funestior irrumpere potuit in naturam humanam? Serpentes enim nunc, grassatur impune in hominum vitas. Nullus finis, nullus modus homicidiorum. Gladiatorum & lanistarum plene sunt omnia. sanguis humanus effunditur. gladij e corpore recens extracti in compositationibus animi causa ostenduntur. tyrones multi ad tales pugnas deliguntur, cruore hominum quam recentissimo ora illorum & frontes illinuntur. hisce ritibus & ipsi myste sacris suis iniantur, & gladij eorum certis ac destinatis cedibus deuouentur. Quid autem mirum hec fieri in Repub. ubi mores ad tantam licentiam incubuerunt? ubi plerique equitum nobilitatem suam. carnificina putant fieri illustriorem? Qui quot marcarum nostraticum denarios numerare possint, tot plebeios: quot uero centenarios tot sui similes interficere aui sint. Quam autem putamus causam esse, patres, tot scelerum, tantarum, impietatum? Quam nisi legis diuine contemptionem & concuscationem? Qua in re quantum sceleris insit, quantum turpitudinis, iam ostendendum mihi puto. Id enim erat de quo me secundo loco dicturum receperam. Aberratum est longissime,

me, patres, a via recta, a veritate, & a deo, ipso, posteaquam numationi in hac Rep. regnandi licentia permessa est. Quam enim per deum immortalem recti via insistere potest qui a verborum dei via deflexit? Quam veritatem inuenire qui se rationibus falsi obstrinxit? Quem ducem ille, qui deum & eius verbum eiurauit, sequetur preter diabolum? Per enim hoc scite a theologis mihi usurpatum videtur, cum hominem equo compararunt, qui alterum tri sessorem deo diaboloue sit preesto. Quod si ille permisisset se deo insidendum, habiturus esset sessorem peritissimum, talem nimirum, qui equis passibus gubernaret vltro euntem: restitantiem excitaret: coerceret exultantem: lasciuientem in gyros moderatim flecteret: ac via recta insistere faceret. Sin diabolo, eum quidem fore sessorem stolidissimum, qui immoderate vtatur iumento suo: nihil pensi habeat planis locus sit an montosus, preceps ne an decliuus quam decurrendum sit: quod quoque versum cursum semper: compositum nunquam progrediatur: per loca inuia, abrupta, & saxis horrentia discurrat: atque ad ferocitatem & omnem insolentiam iumentum impellat. Elegans profecto mihi hec pictura visa est eorum hominum, qui Deo excusso, verbo eius tanquam freno confrecto ac concusato, diabolo sese regedos perper

miserunt. Hęc enim recta erat via, hęc ratio
à Deo constituta puniendi homicidā, vt san-
guis suus effunderetur. Sed cum defleximus
ab illa via, qđ aliud restabat, quā vt in auiū
nos & errores cōiiceremus. Quā enim hoc
est autum, quā à lege Dei discrepans, vitas
hominum pecunia estimare, quas filius Dei
non alio precio, quā sanguine suo redimē-
das putauit. Deinde quā hoc à via longe,
lateq; aberrans, eū vitę hominū equa sorte
in hanc lucem educiturum, sibi inter ipsos cō-
sanguineorum, sub vnam eandemq; Dei tu-
telam subiectorum, eodem Christi sanguine
redemptorum, eandem regni cōlestis gloriā
expectantium, horum quidem denis, illorum
autē centenis numorum marcis estimantur.
Postremo quā illud non autum modō, qđ
tollerabilius esset, sed tanquā ē saxi ac rupe
horrēti auulsū, stridet cadendo, ferturq; ma-
gna vi, non in vllā planiciem, sed in loca visu
fœda, confragosa, & pręrupta omnia, dum
ita dicitur, plebeius nobilē occidens occidit:
nobilis plebeium interficiens, marcas numo-
rum decem numerato. Non mihi si lingue
centum sint, ora q; centum. Ferrea vox, tan-
tam absurditatem satis improbare possem.
Non inter homines nata mihi hęc lex vide-
tur, sed in duris caucasi cautibus. Vnde tan-

dem

dem vi ventorum & tempestatum deuoluta,
ab hominibus intonsis & incultis, in peruer-
sis rupibus agere assueris, nec ullo vnquam iu-
te, eque cōfederationis cōsociatis, temerē
reperta est. Qui homines cū postea casas
& edes simul conferre, ac pagos deinde &
urbes edificare cœperunt, temerē prius legem
reptam, temere in suam Remp. receperūt.
Inspiciant autem mihi velim propugnatores
harum legum mores nationum exterarum:
vbi ordines sunt quoq; distincti nobiliū &
plebeiū, & tamen vitę, cēdesq; scelere fa-
cte nō distinguuntur. Non improbo ordinū
distinctionem. Quis enim hoc improbet, vt
alij virtutum vel suarum, vel auitarum stem-
matis tanquam testimonijs publicis vtantur:
alij qui nulla pręstanti gloriā excellent, non
stem. Et certē Respub. omnes quę habent
vllum respectum virtutis, eę etiā rationem
nobilitatis habeant necesse est, vtpote quę in-
signe est quoddam virtutum. Quamobrem
etiā multa in Rebusp. beneficia habent no-
biles suę prerogatiue. Funguntur honoribus
multis ad quos plebei j aspirare non possunt.
Quis autē sanus ferat disparitatem illam puni-
ende necis per scelus factę? Hominum sunt
illa inuenta nobilitas ac plebeitas. ab homini-
bus sunt gradus illi constituti virtutis vel
B testificandę

testificandę vel excitandę causa. in his hominib^{us}
bus licet ingeniosis esse, quę ipsi cōstituerūt.
At quis sanus, inquam, ferat hominem legis
latorem in ijs ludentem, quę sunt Dei munes
re hominum generi attributa? Solus Deus
homini dedit vitam: solus eam auferre debe
bat. Sed si quis per scelus illam abstulit ple
beio, cur minus punitur, quā si nobili ab
stulisset? Cur similem ob eedem alius capite
alius vilissimo precio plectitur? Cur ad sce
lus simile nobilibus animi adduntur, plebeis
adimuntur? Cur in eadem Repub. manent
nobiles cum plebeis, si non ejusdem legibus
vivere, non ejusdem pœnis scelera sua volune
vindicare? Ita viri nobiles, cum rerum fere
omnium constituendarum, tum vite plebeie
leuissimę, ac potius nihili estimandę, potes
si atem sibi sumpserunt: quasi vel soli essent
in hac Repub. vel vitam plebeis suo benefi
cio dedissent. Hoccine est nobilitatis factū?
hoccine officium ordinis virtute fundatū? Re
gum autoritate confirmatū Reipub. benefi
cijs aucti & ornatū. Mitto in presentia com
munem illum naturę omnis parentē Deum
ab ijs contemni, qui generis ignobilitatē con
temnant: Illud quero iccircone Respub. or
dinem equestrem in altiore dignitatis gradu
locavit, vt ille tanquam ē curru quodam tri
umphali

umphali inferiorem ordinem despiciat, virtu
tes eius extenuet, vitam contemnat ac pro
nihilō putet? In alijs Rebusp. hoc non est.
vt iunior enim dei lege qui patier vitas homi
num ad suam imaginē conditorū estimaret
ac citra vllā distinctiōnē edixit vt sanguis hui
manus sanguine vindicaretur. In nostra Rep.
est Quid ita? defleximus a recta via, deum
ducē abiēcimus. permisimus nos insidendo
diabolo. Qui nos per inuia abripit omnia. in
saxa & montes horrendos ducit, in abrupta
& confragosa precipites agit. Cum enim ille
mendax sit & homicida vt Christus testatur,
immisit in corda hominum mendacium im
portunissimum, vt illi vellent mortes homi
num scelere allatas, non capite vt Deus iuss
erat, sed pecunia vindicare. Hanc viam homi
cida ille, alteri suo operi nempe homicidijs in
finitis expeditissimam sibi struxit. Ita nulla est
orbis totius pars vbi fenestra sit maior aperta
homicidijs. Quis enim fando unquam audi
uit homines carcere & pecunia plusquā me
tu mortis suę ab homicidijs arceri posse? viz
dete mores exterarum gentium. Videte (ne
procul vos allegem) vicinos nros Prutenos,
non eos tantū qui principis Alberti, sed qui
etiā regis nostri imperio subiecti sūt, videte
& eos Silesios qui nobiscum regis dicto sūt
obediens

obedientes. Qui utcumq; indulgeant sibi (ut
mos est hominū) in alijs peccatis, à cēdibus
certē, mōtu mortis prēsētis sunt abstinen-
tiores. Viget enim apud hos populos lex di-
uina capite plectens homicidas. Mirum verò
cur nō monemur his vicinorum ac potius
domesticorum nostrorum exemplis, qui
& ipsi regis imperio nobiscum obtempe-
rant: hac certē re cultu legis diuinę, sunt mul-
tò foeliciores. Sed ferunt nostri equites pre-
mium operis sui. Tot enim & tantis cēdibus
in sese mutuo grassantur ut prouerbio sit lo-
cus apud illos quo dicitur malum consilium
consultori pessimū, dñbitatis nē igitur patres,
inuentum esse diaboli nostram numationem
& imparem illam vitę cēdisq; hominum, esti-
mationem: dicam enim id quod res est. atq;
id eo liberius quod mihi hęc oratio apud
vos habetur viros doctissimos, ac rei chr̄iane
peritissimus, oportere Remp. nostram aut
vniuersam legem dei recipere: siquidem chr̄i-
stiani nominis titulo vult cēseri: aut exclu-
dere cunctam, voco autē legem dei non quā
proprie Reip. mosi, sed quam generi mor-
talium uniuerso tulit, inter quas illam legem
sanguinis sanguine uindicandi, numerandā
esse prioribus orationibus ostendimus. si quę
igitur Resp. omnibus alijs legibus recepti hęc
vnam

vñā excludat, eam qđem Remp. nullomodo
christianā esse contendo. notum est em̄ illud
Jacobinum qui fecisset omnia lege precepta,
vnam aut legū uiolasset, eum quidem eo loco
habendum esse ut si totā legē violaret. quod
si id uerum est de ijs qui humana fragilitate
delinquant, quid tandem de ijs statuemus qui
importunitate, temeritate, contumacia, atq;
ad eō lege contraria contra deum eiecta, pec-
cent? Neq; enim hic de ijs peccatis iam dispu-
tandum est quę in fragilitatem humanam ca-
dant: quę quidem tot & tanta sunt ut de ijs
sedulo rogandus sit deus ut remittat nobis de-
bita nostra: sed de ijs quę, lege contra deum
lata, iam non pro peccatis, sed pro bonis ope-
ribus à nobis habentur. O quanta blasphem-
ia hęc est nominis diuini: quāta cōtume-
lia maiestatis illius. olim pręcepit deus Ade
ut ne uesceretur de certo pomī genere: cuius
esus perniciem illi esset allaturus. Inuentus
est calumniatur ille mendax, qui menti ho-
minis rem contrariam suggessit ut comederet
neque enim eum moriturum, sed fore potius
similem deo. Precepit postea idem ille deus ut
sanguis humanus sanguine uindicaretur. In-
uenta est natio hominum, quę illo mendacij
patre instigante non sanguine sed pccūia ho-
micidium lanxit. An uerò uobis prēs nō hoc
Biij pecca

peccatum illud uidetur quod Christus uocet
in Spiritum sanctum: nunquam quidem re-
mitendum nec in hac nec in futura vita: neq[ue]
enim fragilitate in hoc peccatur sed malitia
destinata. queso vos patres, si qui homines
excludere uellent precationem dominicam de
qua sibi à deo scirent precepta esse data, an
tales in numero populorum dei reponendi
essent, utuncq[ue] seruassent omnes partes re-
lo quas legis: non loquor de ijs qui omisissent
qualibet causa preclari: Tales enim permulti
sunt, & talia peccata sunt negligentie ac fra-
gilitati attribuenda: sed de ijs qui lege lata pror-
sus è sui medio exterminatam uellent preca-
tionem? Ego quidē tales in ecclesiam diaboli
prorsus reiecero, age nunc cum illis iplis pre-
cationem extrudentibus nostros solones cō-
parate. Suntne illis non quā similimī? utriq[ue]
profecto prohibent rem à Deo sanctam &
mandatam, Qui se formula precandi expres-
sa, iussit inuocari, idem ille homicidium capi-
te plecti iussit: idēq[ue] non solis iudeis, ne quis
id calumniatur: sed vniuersę nature humane.
Nam & ante exortum Iudaicę religionis, &
in eius occasu voce cœlesti hæc lex sancta &
confirmata est. Quod ego hic non difficile
historia sacra comprobarem, nisi rem totā la-
tissime prioribus orationibus prosecutus fuissē.

Quid

Quid igitur de ijs statuendū putamus qui tur-
pissime abutuntur sua potestate efficienda le-
ge dei ex hac Rep. utro in regno numerandi
sunt dei an diaboli? quid enim restat tertium?
mihi quidem merito atq[ue] optimo iure in reg-
num diaboli vnā cum exterminatoribus illis
precationis, consociendi uidentur, neq[ue] uerò
temere hoc dictum existimari uelim. Ipsum
mihi verbum dei potestatem dat & sentiendi
ita ut dixi & loquendi. Ipse christus ex patre
diabolo natos esse pronunciat omnes verbo
dei aduersantes. Ipse affirmat eos cōtra se esse,
q[uod] secū non sint. Ac ne illud quidem facio, ut
iam diabolo adiudicandos putem illos exte-
minatores legis diuine: sed quale id factum
eorum sit, id ex verbo Dei pronuncio: quod
recti & prauī norma est. Tamen si quid inter-
est opus damnes aliquod an eius auctorem?
puniūtur enim qui peccauerunt: ornantur &
laudibus & premijs qui rem preclare gesse-
runt. Paulus hominem stupro notatum inas-
pno animi impetu cū tota ecclesia non dubi-
tat tradere Sathanę. Cur igitur non liceat vo-
bis, eadem verbi dei autoritate predictis, eos
homines Sathanę tradere, qui verbo Dei ad-
uersentur? Etenim ille idem stuprator quod
fecit fragilitate humana fecisse putandus est,
Neq[ue] enim interea veritati resistebat: neq[ue] id
faciebat

faciebat ut illam in Remp. vellet legem rece-
ptam, stuprum rem esse honestam. Ac legisla-
tores nostri animo obstinatissimo scietes vo-
lentesq; contra Dei, populorum, & na. ure
ipsius vocem, legem numationis exerunt.
Hanc tuentur & defendunt contra regis sui,
contra principum multorum, deniq; contra
populorum & fratrum suorum voluntatem.
Quis igitur istos dubitet esse diaboli instru-
menta, in quibus mirabiliter exercet imperiū
suum ille homicida: an igitur isti existiman-
di sunt in ecclesia Dei: an nō digni sunt, qui
bus sacris, aqua & igni interdicitur? Et q̃
niam me huc superior perduxit oratio, ut qd
isti Solones nostri cōmeriti videant, dixerim,
puto sententiam quid in ea re facto opus esse,
quāq; quasi medicinam huic malo adhibe-
dam putem, liquidius à me dici oportere. Is
em tertius est locus à me in hac oratione per-
tractandus. Neq; vero id fecero patres, quasi
vobis voce mea preire velim: sed ut ne ea pars
desyderetur in nostra oratione. Turpe enim
esset de morbo dicenti, remediū fecisse mentio-
nem nullam. Illud igitur mihi ordinis vestri
esse videtur, ut quiq; in concionibus publicis
enormitatem sceleris tāti, quantū possit exag-
getet: atq; ad id faciendum adhortetur theo-
logos omnes, qui vel publice doceāt in tēplis,
vel pri

vel privatim operam dent peccatis hominum
audiendis. Haud scio an anni preterierint de-
cem, quod mihi pœna diuina, cuius toties mē-
tionem feci, de literis sacris sit cognita: qui tas-
men nō omnino rudis eram in biblijs sacris.
Quo mihi verisimile fit, plerosq; in hisce lite-
ris nunquā versatos, etiamnum huius rei nō
satis exactam habere cognitionem. Nam vo-
cunq; feriant voces illę eorum aures: Tamen
non satis fortē in animum demittuntur. Ita fit
ut non seriō tangantur cura tantę rei. Res mi-
hi itaq; digna videtur, ut omnes ecclesię, cōs
scholę personę vocibus istis. Improbetur
quāmaximē numatio nostra: turpitudine eius
& incōmoda, quę secum trahat ob omnium
oculos exponantur. Credite mihi patres hoc
remedium non fore inutile morbo numatio-
nis depellendo. Est & illud alterū cuius pro-
ximē mentionem feci, ut cōtra rebelles & Dei
verbo repugantes gladius ille exeratur: quē
Paulus cū ecclesia Corinthiaca in stuprato-
rem illum exerendum putauit. Profecto em̃
exterminatoribus istis tanquā reis, capitis q̃
dammmodo causa dicenda esset: aut certē iudi-
cium in eos ex formula à Christo expressa cō-
stituendum: ac nisi resipiscant atq; actiōibus
à Deo mandatis vitę emendationem testari,

C ac pro

ac promittere vclint, sententia excommunicatiōis
in eos ferenda; qua illi se non Christi: sed di-
aboli membra; nisi in viam redeant, esse cor-
gnoscant. Non enim excommunicatio ob tantū
facinus in legem Dei commissum, vana que-
dam & inanis sententia putanda est; sed que
secum & in hac vita trahat pœnam & cala-
mitatem præsentem: & in futura; nisi qui rei
sunt resipiscant, perpetuos ac nunquam fini-
endos cruciatus. Quemadmodum & Paulus
Corinthiū illum quem ob stuprum ex cœ-
tu eiecerat, profitetur se Sathanē dedisse vexa-
tum & affligendum; & Stilconis scribam ab
Ambrosio propter falsi crimen excommunica-
tum, furore correptum fuisse, ex historia ipsi-
us constat. Et à Christo non obscure signifi-
catur, eos qui sententia huiusmodi eccles-
iæ in terra damnati sint, in cœlo quoq; dam-
natum iri. Quod si id insolens videatur, vt fa-
cris arceantur isti tyranni, illud tamē credo fa-
cultatem habere poterit, vt theologi, qui pec-
catis hominum examinandis priuatim vacāt,
hoc malum iustissimis propositis causis exag-
gerent: ad pœnitentiam istos tyrannos in-
uitent. Quæ quidem pœnitentia vera esse, nō
potest nisi resipiscant: ad frugē sese meliorem
recipiant; atq; id corā ecclesia, actiōibus à deo
mandatis

mandatis testentur. Quemadmodū Ioannem
Baptistā p̄clare concionatū accepimus, regnū
Dei p̄pe esse ijs q̄s vite prioris pœniteat, q̄q;
fructus edant pœnitētia dignos. Quod si qui
sint, qui peccata confessi huiusmodi resipiscē-
tiam defugiāt, ijs quidem nulla absolutio im-
petiunda, nulla delicti venia danda est. Quo-
modo enim scelere solueretur, quem non pœ-
niteret facit, quo modo autē eum pœniteret,
qui sui similis esse pergeret, nec operibus deo
placentibus vitam se suam emendatum ire tes-
tari vellet. Ligandi igitur tales sunt vi ver-
borum dei in terra, vt ligentur & in cœlis, ar-
cendi sunt prorsus à sacramento corporis &
sanguinis domini, qui se nec sibi ipsis, nec ec-
clesijs probare possunt. Et id quidem de So-
lonibus qui numationem tuentur dictum sit.
De homicidijs porro ipsis, & de eorum varie-
tate, & si quædam in Lascio diximus: Tamē
hic nōnulla addemus. Homicidia iusto quo-
dam dolore cōmissa leuius apud ethnicos pu-
niebantur vt de Oreste accepimus, qui cum
vlescendę necis paternę causa, matrem occi-
disset, hominum consuetudine exclusus erat:
signūq; quo ab hominibus homicida cognos-
ceretur publicę ferebat. Is em̄ mos temporū
illorum fuisse videtur, exempli causa institui

Cij tus vt

us ut ne alij ad similia facinora prociues es-
sent, & ipsi homicide vitā emendarent, ac me-
liores esse discerent. Itaq; signum quo scelus
suum quasi publice confitebantur, tantisper
gerebant, dum tempore luctus exacto, certo
ritu, & quasi publica poenitentie testificatione
coetui hominum restitueretur. Non dissimile
est quod à Christianis Episcopis usurparum
olim legimus. Ut cum Theodosius senior im-
perator Romanus vindicando cēdem militis,
iniustam quidem illam, sed tamē seuerius pu-
niuisset, ac propterea plures equo necari ius-
sisset, ecclesie communionē ab Ambrosio ex-
clusus erat. Cui quidem cōmunioni nō prius
restitutus est, quam statō tempore in poeni-
tentium numero squallidus signa poenitentie
publice edidisset, pronus in terram procubuis-
set, omnesq; satisfactionum leges homicidis
prescriptas impleisset. Et quidē Ambrosio iu-
bente & prescribēte, Theodosius magna ani-
mi equitate executus est: Deus etiam varias
infligit poenas homicidis, ut regem Dauidem
ita puniuit, ut & regno ejiceretur, & sapientie
ac virtutum gloriam perderet. Casu pepe-
rata homicidia, & que tuenda vita nostra à
nobis admittantur, aut nulla poena aut fere
etiam exilio puniri debent, ut in libris Numero-

rorum

rorum proditum extat, & nos in Lascio fusi-
us demonstrauimus. Ceterum de ipsis homi-
ci dis, qui voluntaria cēdem perpetrarunt, tor-
tues sententia diuina repetita est. QVI volens
hominem occidisset, eum quoq; occidi neces-
se esse. Et, NON accipiendum precium ab
eo, qui reus sit sanguinis, sed eum quoq; mo-
ri debere. Sed de homicidijs satis. DE propu-
gnatoribus verò Polonice numationis an, ad-
huc dubitamus puniri eos debere: an impuni-
tatem habebūt & licentiam sempiternam ad
cēdes nefarias homines scelestos armandi: pro-
fecto enim auctor sceleris esse putandus est,
qui cum potestate existens, vel non puniri
vult, vel non pro eo puniri ac equum est, pec-
cantē. Preglare illud dicitur, quod nos in La-
scio rationibus adhibitis planum fecimus, cō-
sentientes & facientes pari poena puniendos
esse. Id si admittimus: numationis defensores
simili poena cum homicidis puniendos esse,
admittamus necesse est: Sin hoc durum esse
videatur, quē iustior poena in eos erit, atq; ea
quā de libris religionis nostrę exposui. Quod
si ex coetibus Christianis raptores decimarū,
manuum in presbyteros iniectores, templorū
violatores, ejiciuntur, an ferendi sunt isti, qui
numatione defendenda, quasi gladium portis

TESTA

C iij

lia

gunt homicidis. Iure igitur optimo ab eccle-
sia efficiendi, sacris arcendi, aqua & igne om-
niq; humana consuetudine priuandi sunt.
Hec mihi medicina patres, morbo de quo a-
gimus adhibenda videtur, non certe aliena
munere vestro, ac vix est (quod ego sciam)
alia, quæ ab hominibus ordinis ecclesiastici
confici possit. Neq; verò crederem eam me-
dicinam in ecclesia Dei multum valere posse,
nisi & à Deo ipso propositam, & à prophetis
ac apostolis usurpatam viderem. Quorsum
enim illa? clama, non cessa: Sicut tuba exalta
vocem tuam: exprobra populo scelera sua;
argue fratrem primum nemine conscio, de-
inde aduocatis testibus, postremo nisi: resipua
erit, dicito ecclesie, & quæ deinceps sequuntur,
fuit enim nota omnibus. Ad hæc accedunt
apostolica dicta factaue vt, argue oportune,
importune: Viuidus est sermo Dei, & acuto
omni gladio penetrantior. Exemplum etiam
notum est Pauli, quod in stupratorem edidit
efficiens illum de ecclesia: sed magis horrendū
& plane tragicum Petri, cum Ananias & Sa-
phira mentientes spiritui sancto, vt verborū
illius collapsi expirarunt. Non igitur vulgare
remedium putate patres, quod non de meo
sensu, sed de literis mysticis recitauit.

Iam

Iam nihil necesse esset, vt officij vos admo-
nerem vestri, nisi ordo vester negligentie hæc
in causa vulgo notatus esset. Dicam omnino
libere, vt decet hominem veritatis amantem,
atq; hoc in loco, hocq; in consessu dicentem.
Vos si equis animis audieritis hanc reliquam
orationem, magnum dabitis documentum
vos vt decet homines veritati amicos, liberta-
tem sententie dicende non aspernari. Profe-
cto pleriq; homines non prorsus stupidi plus
in vobis qui estis in Senatu, desiderat officij
in dicenda sententia de hac causa. Neminem
vitorum nominabo. Et sunt inter vos quos-
rum sententia vituperari non possit. Eorum
tamen constantia & contentio in dicen-
do agendoq; maior iure desideratur. Sed
erunt qui de viuis post fata loquentur. De eo
qui nuper e vita migravit loquar Sebastia-
no Branicio Posnaniensium Episcopo: Ete-
nim ille ab hinc triennium, cum vnus ex ijs
esset, qui viribus patrie emendandis delecti es-
sant, rogatus de poena homicidij sententiam,
ita dixit, vt nullam prorsus poene diuine men-
tionem faceret. Erant quidam in eo delecto-
rum numero, qui eius perituenem, sed tamen
nonnullam, & quasi in transcurso, mentione
fecerunt. Erat etiam nonnemo qui ei prorsus

Cum

reclamare

reclamare visus est. Branicius verò periculis
ex-numatione redundantibus copiose enu-
meratis, poenam vsitatam duplicare voluit.
Tunc Branici probare te posse hanc senten-
tię dictionem tuam bonis viris existimare: ne-
cesse est enim aliquod horum esse, vt vel lex
diuina tibi fuerit ignorata: aut nulla cura as-
fecerit te illius: aut tibi fuerit odiosa: aut mor-
tu aliquo abductus sis ab eā suadenda. Igno-
rantiam pretextere non potes, qui legum diui-
narum & religionis cultos fueris & antistes.
Odiosam verò quomodo tibi fuisse diceres,
nisi te à Deo hominibusq; summi sceleris cō-
demnatum velles. Quod si nulla tibi cura fu-
erit illius suadendę, dolendum est sanē tales
eō loci esse, vbi cum possint, non velint de
Deo benemereri. Neq; verò minus dolendū
est, si timore tacitę reliquisti veritatē di-
uinā, pro qua nemo bonus, cū opus est vitam pro-
fudere recusat. Muko melius & Ambrosius
Mediolanensis, & Stanislaus Scepanęus
Cracouiensis episcopi sanctissimi. Quorum
ille in Theodosium imperatōre Romanum,
vt proximē dixi, ob plures quā equauerat
homines, fusu ipsius trucidatos ecclesię com-
munionē priuandum putauit, nec eundem
tunc poenitentię publica significatione, eidem
commu

communioni restituit. Iste verò Regem Bo-
leslaum ob tyrannidem non minore seue-
ritate etiā ex communione eiecit. O viros
verē heroicos. O pastores vigilāssimos, qui
non pro lana, vt aiunt, caprina, sed pro salute
ouium suarum certamen cum lupis tuscis
pere non formidant. Comparete mihi cum
tanta illorum virtute celatum argentum, ves-
stes preciosas, census, satellites, & splendida
tecta, quibus se homines nostri temporis ma-
gnificos fieri volunt, an non hec omnia mis-
randum in modum sordescunt? Sed de Am-
brosio multa preclara monumentis literarū
prodita sunt Stanislai exemplum nobis certe
est domesticum, dignum sanē quod omnes
boni, sed in primis ecclesiarum duces imiten-
tur. Etenim ille ne mortis quidem metu peri-
terri potuit, quo minus in Regem sceleros-
sum acerrimam ac fortissimam sententiam
ferret. Hunc virum preponite vobis viri amo-
plissimi ad imitandum, si veram & solidam
gloriam, apud Deum & homines nunquam
intermorituram consequi vultis. Enimverò
vobis multo facilior est ratio rei conficiendę
quā Stanislaui. Ille enim Regem habuit si-
bi maxime infestum, amentia precipitem, em-
ni diuitate ac immanitate teterrimum. Vos

B v regem

Regem habetis in hac causa studio mirabilis-
ter precurrentem, à vero constanter stantem,
atq; omnes suos quasi sublato ligno ad veri-
tatem vocantem. Turpe vobis est vinci ab
aliquo in ea re, citius vos principatū appetere,
& certo tenere debetis. Erat Stanislao infor-
sentia ac potius immanitas Regis fuerit, si
genda ac continēda: I dēp vīq; rō persecutus
est, vt ob id tandē quasi victima Regis manu
ad aram sacrā mactatus fuerit. Vobis verò
Rex metuendus non est: sed summa potius
obseruantia colendus. Preit ille vobis iamprā
dem vocē suā. Hunc vobis ducem non strea-
nuē subsequi turpe fuerit. At verò vos non
subsequi tantum ac vestigijs Regis insistere,
sed rem ita coagimentare potestis vt tādē fa-
cilius ad exitū perducatur. Ostendi enim quā-
tum potui rationes proprias muneris vestri,
quibus facile contrauenire resistentibus pos-
sitis. Nunquam mihi credite successus habebit
prosperos hoc negotiū, nisi quasi iunctis um-
bonibus certantē contra rebelles suscepistis,
nisi contentionem & perseverantiam in a-
gendo maximam adhibueritis. Quod si vos
hac in re lassas (vt aiunt) abieceritis, neq;
vos ad rationes Regis diuinas adiunxeritis,
neq; vestris velleq; muneris proprias profer-
quiti

quiti fueritis, quē tandem spes religioni ac
Reip. à vobis esse poterit in arduis & pericu-
lois rebus si eam in re periculis uacua deseris-
tis: an vos Stanislao vnuquam futuros spera-
bimus: an tyrannidem in Rep. (si quē exten-
det) à vobis oppressum iri putabimus, si pia
principis vestri studia, propter quorūdam in-
ueteratam potentiam vel prorsus non iuueri-
tis, vel non pro eo ac decet iuueritis. Sed spes
ramus de vobis meliora. Agite igitur patres
amplissimi. Patrie à vobis omnia preclara ex-
pectati succurrite. Videtis in vos solos homi-
num oculos esse conuersos. Illi à vobis petunt
vt oraculo diuino in hac Rep. possit esse lo-
cus, qui estis dei oraculorum custodes & in-
terpretes. Quo enim miseri se vertant an ad
Regem suum: & ille quidem diligētissimam
operam multos annos adhibet legi diuinę san-
ciendę, dignam quidem principe Christiano:
sed nescio cur tot sanctę eius hortationes ne-
glectui habeantur: an ad alios viros prestā-
tes qui in eadem sunt sentētia cum suo Rege:
at eorū quoq; autoritas nō pluris est autho-
ritate Regis. Ad vos igitur Rex, ad vos prin-
cipū multi, ad vos pleriq; equitum, ad vos om-
nes boni se conuertunt, vos intuentur, vestrā
opem desiderant. A vobis postulant vt qui
sacris

factis præestis. sacrām Dei legem in Remp.
recipi curetis, vobis commendant existimatio
nem huius patrie, vt, quæ apud omnes nati
ones male ad hunc diem audierit propter ido
latriam numationem, recreetur aliquando,
lege Dei recepta, fama meliore. Respicite pe
ricula, quæ cum numatione coniuncta sunt,
& cedes innumeras per summā licentiam fa
cias. Vulgares sunt istæ, quæ veluti animi
causa fiunt, vel in itinere, vel in symposijs. Ille
rarioris olim erant, sed iam intrebuerunt, cū
quidam humanitate omni exiit, in sexum
mulebrem seuire, pietatem sedere, germani
tatem violare, sanguine fraterno manus suas
madefacere audent. Non iam frater à fratre
tutus, non vxor à viro, non vir ab vxore.
Trucidantur passim & prophani & sacerdo
tes: Tempia & cœmeteria violantur: aræ san
guine consperguntur: Iura omnia & diuina
& humana fecerata peruertuntur. Quid, an
illud non nouum? vim aliquibus vestrum
qui cū potestate estis gladiatores isti denun
tiant: Ignem, crudelia omnia, ac cedere ipsam
minantur: profitentur id literis, ferro cruore
tincto, ligno semiustulato. Quamobrem?
Quia eos putastis ob cedes sacerdotum ex
templis edicto legitimo exciendos. Isti igitur
si poena

si poena diuina fuissent puniti, an essent me
tuendi? Hæc cum vos & quemque bonum
plurimum debent commouere, tum in primis
curandum est ne hæc macula numationis, ne
dedecus, ne scelus turpissimum, quod hanc
Remp. ad hanc quasi senectam suam prole
scutum est, idem ad extremum eius diem &
quasi ad sepulturam ipsam cōcomiteatur. Ete
nim tempus mutationis rerum prope instare
animi hominum non prorsus stupidorum,
nescio quo pacto presentire videntur. Ani
maduertunt mundum quotidie magis quasi
senescere, hominū malitiā crescere: Signa diu
nitus olim p̄clara multa cōcurrere, vel maxi
mi belli, vel rerū inclinationis prenuntia. Ve
igitur macula illa numationis, Reip. nostre
inusta aliquando tandem eluatur, profectio
ratio officij ac potius pietatis, quam patrie
debemus, nos omnes hortari debet. Cuius rei
procurande in re fere desperata & ab omni
bus deserta vobis in primis facultatem ab ip
so Deo reservatam purate. Quamobrem per
Deum immortalem cogitate hæc vobiscum
patres: in rem præclaram tota mente, totoq;
animi impetu incumbite. Date gloriam Deo
immortali: numationem ex nostris finibus
extrudite: Reip. Christiane legem suā reddite
Conspirate

1. The first part of the document is a list of names and dates, which appears to be a record of some kind. The names are written in a cursive script, and the dates are in a more formal, printed style. The list is organized into two columns, with names on the left and dates on the right.


2. The second part of the document is a large, stylized letter 'C' or 'G' that has been drawn over the text. This letter is very large and occupies a significant portion of the page. It is drawn in a dark ink, and its shape is somewhat irregular, suggesting it was drawn by hand.


3. The third part of the document is a list of names and dates, similar to the first part. The names are written in a cursive script, and the dates are in a more formal, printed style. The list is organized into two columns, with names on the left and dates on the right.


4. The fourth part of the document is a list of names and dates, similar to the first part. The names are written in a cursive script, and the dates are in a more formal, printed style. The list is organized into two columns, with names on the left and dates on the right.

5. The fifth part of the document is a list of names and dates, similar to the first part. The names are written in a cursive script, and the dates are in a more formal, printed style. The list is organized into two columns, with names on the left and dates on the right.

Qui patramur / ex patre / per filium
 Qui patrem trinitatem / Sanctam
 Vinea aquilae inter rivas / duntaxat
 Cantu quoque / pasce / quippe / in / anas
 Calabro / vire / Radice / in / m / duntaxat
 Hec / vire / pasce / quippe / in / anas







Biblioteka Jagiellońska
Pracownia Konserwacji
Katarzyna Mazurkiewicz
1969 r.

